

na wěczne! My tola jemu słuſchamy. Wótz je naš Ssynnej  
 ſa herbstwo dał, a Ssyn je naš ſebi dobył se ſwojej drohej  
 krowju. S našim woprowanjom pschindzemy do ruki na-  
 ſcheho praweho Knjesa, kotremuž po prawym słuſchamy, kiž  
 ma najpołniſche prawo na naš. Jeſuſ Khrystuſ budž našch  
 knjes a budž našcha wutroba we nowym lěcze. Schtož ſmy  
 hiſhcze žiwi, to budž wón w naš žiwu. Niž našcha, ale  
 jeho wola ſo we wſchem ſtań! — — Budžemy-li tať ſami  
 jeho, dha njech nowe lěto pschinjeſe, ſchtožkuliž chze; dha  
 wſcho k našchemu lěpschemu ſo wobroczi. Schtó chzyl a  
 ſchto móhlo Božim džeczom ſchłodzicž? Tež tyſchnoſcz móže  
 jenož dokonjecž, ſchtož je ſwjaty Duch ſapoczal. Tež tyſch-  
 noſcz móže naš jenož bliže k Božej wutrobje pohanjecž,  
 jenož hlubje do Khrystuſoweho ſnamjenja pschekraſnjowacz.  
 Tym, kiž Boha lubuja, wſchitke wězy k lěpschemu słuža.  
 A hdnyž my jeho lubujemy, ſchto chze naš tehdy wotdželicž  
 wot jeho luboſcze? Žalocž? abo ſtyſknoſcz? abo pschescze-  
 hanje? abo hlód? abo nahota? abo ſtrachota? abo mjecz?  
 We wſchitkim tym pschewinjemy dale bóle psches teho ſa-  
 meho, kiž je naš lubowal. — Duž dha, w tym Knjesu  
 lubowana woſada, čzeſczcze Boha na waſchim čzele a na  
 waſchim duchu, kotrajž ſtaj Božej. Twarče tež dale ſtroſchtnje  
 ſwoju nadžiju na jeho hnadu, kotruž wam w Khrystuſu  
 Jeſuſu poſkiczuje. Podajcze ſo Bohu ſa jeho wobſedzen-  
 ſtwo. A tón Knjes wſcheje mozy a kraſnoſcze budze hižom  
 wjedzicž, kať by tež w nowym lěcze ſwoje wobſedzenſtwo  
 ſchlitowal a žohnowal. Duž dha, Knježe, ſacziń w hnadze  
 durje stareho a wocziiń w ſmilnoſczi durje noweho lěta.  
 Naſch wonkhód a naſch nutſkhód daj nam w tebi ſwjeczicž,  
 o Jeſu! Hamjeń.

## N o w e l ě t o.

W mjenje Boha Wótza, Ssyna a ſwjateho Ducha! Hamjeń.

**W** Jeſuſu lubowana woſada. Dženſa w nozy w dwa-  
 naczih ſmy ſo ſebrali a ſe stareho do noweho lěta ſaſtupili.  
 Stare lěto běchmy tu wčera wjeczor ſ modlitwu a ſ Božim  
 słowom wobſanfli. A po tym ſo ſcze dženſa wěſcze kóždy